



შირაკი

SHIRAKI

www.opentext.ge

გამოცემის 1937 წლიდან

№2 (9.567)

25 იანვარი 2013 წელი

ფასი: 50 თეთრი

ყოველკვირეული გამოცემა

საკრებულოს სხდომაზე



25 იანვარს გაიმართა დედოფლისწყაროს მუნიციპალიტეტის საკრებულოს სხდომა, რომელსაც მუნიციპალიტეტის

თავმჯდომარე ლევან ნატროშვილი უძღვებოდა. პირველი საკითხი "დედოფლისწყაროს მუნიციპალიტეტის 2013 წლის

ადგილობრივი ბიუჯეტის დამტკიცების შესახებ" დედოფლისწყაროს მუნიციპალიტეტის საკრებულოს 2012 წლის 26

დეკემბრის №38 დადგენილებაში ცვლილებების შეტანის თაობაზე განსახილველად საკრებულოს წევრებს მან და მუნიციპალიტეტის გამგებელმა წარუდგინეს. როგორც ადგილობრივმა ხელმძღვანელებმა განაცხადეს, ამ ცვლილებების მიხედვით მნიშვნელოვნად უმჯობესდება მოქალაქეების მინიმალური სოციალური დახმარების პაკეტი, ასევე სკოლამდელი აღზრდის, კულტურული და სპორტული ცენტრების ფუნქციონირება. ბიუჯეტში განისაზღვრა თანხები ქალაქ დედოფლისწყაროში მრავალსართულიანი კორპუსების დაზიანებული სახურავების შეკეთების და წყალმომარაგების მოწესრიგებისთვის, სამუსიკო სკოლის შენობის სარეაბილიტაციო სამუშაოებისთვის.

საკრებულოს წევრებმა გამგეობაში სტაჟირების გავლის წესი დაამტკიცეს, რომელიც უამრავ ახალგაზრდას საშუალებას მისცემს დაპრო-

ფესიონალდეს და შემდეგ უკეთ გადამწყვიტოს, რომელ სფეროში ისურვებს დასაქმებას. სტაჟირების პერიოდი ერთი წლით განისაზღვრება და უფასო იქნება.

დეპუტატებმა განიხილეს და ერთხმად დაამტკიცეს საკითხი "არასამართლმემო (არაკომერციული) იურიდიული პირის დედოფლისწყაროს მუნიციპალიტეტის სკოლამდელი და სკოლის გარეშე სააღმზრდელო ცენტრის შექმნისა და წესდების დამტკიცების შესახებ" დედოფლისწყაროს მუნიციპალიტეტის საკრებულოს 2007 წლის 23 აპრილის №56 განკარგულებაში ცვლილებების შეტანის თაობაზე.

დედოფლისწყაროს მუნიციპალიტეტის საკრებულოში ფრაქცია „ხორნაბუჯი“ შეიქმნა, რომლის თავმჯდომარედაც ლევან ჯამალაშვილი აირჩიეს. საკრებულომ მიიღო ასევე საკითხი „საკრებულოს ბიუროს შექმნის შესახებ" დედოფლისწყაროს მუნიციპალიტეტის საკრებულოს 2010 წლის 28 ივნისის №79 განკარგულებაში ცვლილების შეტანის თაობაზე.

ბაღში ბავშვებს კვება გაუუმჯობესდა

ის, რომ ბაღებში კვება გაუმჯობესდა, ამის შესახებ ინფორმაცია ბაღის პედაგოგებისგან მშობლებმა უკვე მიიღეს, რისთვისაც კმაყოფილებას გამოთქვამენ როგორც პედაგოგები, ასევე მშობლები.

„ამჟამად ბავშვები მიირთმევენ ძროხის წვნიანს და ძალიან მოხარულები ვართ ამით, ბავშვებსაც გაბრწყინებული სახეები აქვთ, როცა ვეკითხებით მოგწონთ თუ არასაკვებო, ყველა ერთხმად იძახის, რომ მოგწონსო.“-ამბობს ჩვენთან საუბარში ბაღის

მეთოდისტი და გამოცდილი პედაგოგი ნათელა თამაზაშვილი.

„კმაყოფილი ვარ, პირადად მე ძალიან ვცდილობდი და ბოლომდე ვედექი იმ მშობლების გვერდით, ვინც კვების რაციონის გაუმჯობესებას ითხოვდა. ვფიქრობ, რაც მოვითხოვეთ, ყველაფერი შემოიტანეს რძის ნაწარმის გარდა. მინდოდა ხაჭოც შემოეტანათ, მაგრამ ეტყობა ამ ეტაპზე ვერ მოხერხდა, თუმცა, რაც გაკეთდა, ესეც წინ გადადგმული ნაბიჯია, რისთვისაც მშობლე-

ბის სახელით მადლობას ვუხდის სკოლამდელი აღზრდის და მუნიციპალიტეტის ხელმძღვანელებს.“- ამბობს ჩვენთან საუბარში მშობელი ნონა ბოჭორიშვილი.

წინა წლების მენიუსთან შედარებით ამჯერად დამატებულია „პერლოვკის“ ფაფა, ძროხის ხორცის წვნიანი, ქათმის წვნიანი, კვერცხი, კისელი და კაკაო. რაც მთავარია, გაუმჯობესებულია პურის ხარისხი და მისი ოდენობაც აქამდე რომ ეკონომიურად იყო, ამჯერად მკვეთრად გაზრდილია

ეს ბავშვზე პურის მიღების ოდენობა. ბაღები მომარაგებულია რაიონში ყველაზე საუკეთესოდ წარმოებული პურით. ვფიქრობ, რომ ეს გახლავთ უმაღლესი კვება ბავშვებისთვის. ასეთი კვების რაციონი დედოფლისწყაროს ბაღებში ორი ათეული წელია, არ ყოფილა. ამჯერად ახალმა ხელმძღვანელებმა გაითვალისწინა მშობლების მოთხოვნა და ყველაფერი გააკეთა იმისთვის, რომ ბაღებში საუკეთესო კვება აღდგენილიყო, რაც მრავალწლიანი თხოვნის მიუხედავად არ

მოხერხდა, ამჯერად დაკმაყოფილებული იქნა, რაც ფრიად სასიხარულო და მისასალმებელია თითოეული ჩვენთაგანისთვის.

საპარლამენტო უმრავლესობის წარმომადგენელმა თინა ხიდაშელმა ბაღებში მშობლის გადასახადის გაუქმების შესახებ კანონპროექტს გაუნიხა ინიცირება, თუ აღნიშნული საკითხი პარლამენტმა მართლაც დაამტკიცა, მაშინ ხომ საერთოდ აღარაფერი ექნებათ სანუნუნო მშობლებს.

ლალი მებრიშვილი.

სახუქრები სათნოების სახლის ბინადართ და გმირების ოჯახებს

მმ.2

ნოსტალგია არ იკურნება!...

მმ.5

გამოინათო ბაზათი „შირაქი“

2013 წლისთვის გაზეთ „შირაქის“ პერიოდულობა კვლავ ყოველკვირეული იქნება, რვაგვერდიანი და ფერადი. გამოცემის ღირებულება მთელი წლით 15 ლარი ელირება, 6 თვით - 7,50 ლარი.

„შირაქი“ ერთგულ მკითხველს სიურპრიზს სთავაზობს - ვისაც ოთხი და მეტი წლის განმავლობაში ჰქონდა გაფორმებული ხელშეკრულება გაზეთთან, წელიწადში ერთხელ 5 ლარის ღირებულების განცხადების უფასოდ გამოქვეყნების საშუალება მიეცემა.

გამოინათო ბაზათი „შირაქი“ - შიიტყვით ყველაფერი დედოფლისწყაროში მიმდინარე მოვლენების შესახებ.

ყველაზე სადო წყარო დედოფლისწყაროში მიმდინარე მოვლენების შესახებ!

- ახალი ინფორმაცია
- სამართლებრივი აქტები
- აუქციონი
- ტანდარი - ყველაფერი მხოლოდ ჩვენთან!

ის, რასაც სხვაგან ვერ ნაიპოთხავთ!

www.dedoplistskaro.ge

ივანიშვილი მედვედევს შეხვდა

რუსეთის პრემიერ-მინისტრი დიმიტრი მედვედევი საქართველოს პრემიერ ბიძინა ივანიშვილს დავოსში გაესაუბრა. რუსული მედია აღნიშნავს, რომ ეს შეხვედრა პირველია ქვეყნის მთავრობის მეთაურებს შორის, რომელიც 2008 წლის აგვისტოს ომის შემდეგ შედგა.

„რუსეთის პრემიერ-მინისტრი დავოსის ეკონომიკური ფორუმის სტუმრების პატივსაცემად გამართულ მიღებაზე საქართველოს პრემიერ მინისტრს ბიძინა ივანიშვილს გაესაუბრა“, - ინფორმაციას ამის შესახებ რუსული მედია ერთ ერთ რუს ბიზნესმენზე დაყრდნობით ავრცელებს, რომელიც ამ შეხვედრას ესწრებოდა.

„საქართველოს პრემიერი თავად მივიდა მედვედევთან და მათ რამდენიმე წუთის განმავლობაში რაღაცაზე ისაუბრეს“, - წერს რუსული მედია.

რუსეთის მთავრობის მეთაურის პრესსამსახურის ხელმძღვანელის ნატალია ტიმიკოვას ზოგადი ინფორმაციით, ამგვარი დიდი ფორუმების დროს ტრადიციულად ხდება მრავალი კონტაქტი მონაწილეთა შორის.

ქართულ-აზერბაიჯანული საზღვრის დემარკაცია დაიწყო

საქართველოსა და აზერბაიჯანს შორის სახელმწიფო საზღვრის დელმიტაციის საკითხზე მოლაპარაკებები გრძელდება.

როგორც აზერბაიჯანის შესაბამისი კარტოგრაფიის კომისიის ხელმძღვანელმა გარბ მამედოვმა განუცხადა, საქართველოსა და აზერბაიჯანს შორის სახელმწიფო საზღვარი სულ 480 კილომეტრს შეადგენს, საიდანაც 300 კილომეტრზე მხარეები უკვე შეთანხმებული არიან.

„რაც შეეხება დარჩენილ 180 კილომეტრს, კომისიის დონეზე მისი განხილვა უკვე მოხდა და ეს საკითხი უკვე დოკუმენტირებულია. ამ დროისთვის ჩვენ ველოდებით საქართველოს დიპლომატიური არხებიდან თბილისში მიწვევას. როდესაც ამ მიწვევას მივღებთ, მოლაპარაკებები გაგრძელდება“, - განაცხადა მან.

როგორც ცნობილია, მხარეებმა შეთანხმება ამ დრომდე ვერ მოახერხეს საზღვრის იმ ნაწილზე, სადაც დავით-გარეჯის სამონასტრო კომპლექსი მდებარეობს.

ბიძინა ივანიშვილი: “მალე ევკელა დარწმუნდება, რომ საქართველოში ევროპული ტიპის და სამართლიანი ხელისუფლება მოვიდა”

საქართველოს პრემიერ-მინისტრის ბიძინა ივანიშვილის განცხადებით, ხელისუფლებაში მისი მოსვლიდან მეორე წელი კარგი იქნება, მესამე — ძალიან კარგი და მეოთხეზე უკვე ყველა იგრძნობს, რომ საქართველოში სიტუაცია შეიცვალა. ამის შესახებ ივანიშ-

ვილმა ჟურნალისტებს დავოსში ვიზიტის შეფასებისას განუცხადა. „ძალიან ნაყოფიერი ვიზიტი იყო, ამ მინიმალურ დროში, რაც შესაძლებელი იყო, ბევრი შეხვედრა გაგმართეთ. გუშინ მგონი საერთო ჯამში 11 შეხვედრა გაგმართეთ. შედეგებს ალბათ, მოგ-

ვიანებით ვიხილავთ. მე გპირდებით, რომ ხელისუფლებაში ჩვენი მოსვლის მეორე წელიწადი იქნება კარგი, მესამე - ძალიან კარგი, მეოთხე წელიწადს კი უნდა ვიგრძნოთ, რომ საქართველოში სიტუაცია ჭეშმარიტად შეიცვალა. ამისთვის ყველაფერი კეთდება, დღეს ამას ვერ

ვიგრძნობთ, მაგრამ ჩვენ ამისთვის საფუძველს ვამზადებთ და ინვესტიორები აუცილებლად დაინტერესდებიან ჩვენი ქვეყნით. მალე ყველა დარწმუნდება, რომ საქართველოში ევროპული ტიპის და სამართლიანი ხელისუფლება მოვიდა“, - განაცხადა ივანიშვილმა.

ილია მეორე: “ქართული და რუსული ეკლესიების ურთიერთობა მაგალითია იმისა, თუ როგორი უნდა იყოს სახელმწიფოთშორისი ურთიერთობა”

სრულიად საქართველოს კათოლიკოს-პატრიარქის, მცხეთა-თბილისის მთავარეპისკოპოსის და ბიჭვინთისა და ცხუმ-აფხაზეთის მიტროპოლიტის, უწმინდესის და უნეტარესის ილია მეორის განცხადებით, ქართული და რუსული ეკლესიების ურთიერთობა მაგალითია იმისა, თუ როგორი უნდა იყოს სახელმწიფოთშორისი ურთიერთობა.

ამის შესახებ უწმინდესმა რუსეთში, წმინდა გიორგის სახელობის ქართულ ტაძარში ბრძანა. „ის ურთიერთობა, რომელიც არის საქართველოსა და რუსულ ეკლესიას შორის, ეს არის მაგალითი იმისა, თუ როგორი ურთიერთობა უნდა იყოს სახელმწიფოთა შორის“, - ბრძანა უწმინდესმა და ქართველ ემიგრანტებს სამშობლოში მალე დაბრუნება უსურვა.



6 დასახელების არაყნიდან ნამდვილი მხოლოდ ერთი აღმოჩნდა

ლაბორატორიული კვლევის შედეგად 6 დასახელების არაყნიდან ნამდვილი მხოლოდ ერთი აღმოჩნდა. ამ ინფორმაციას „სტრატეგიული კვლევებისა და განვითარების ცენტრი“ ავრცელებს, რომელიც მომხმარებელთა უფლებების დაცვის პროექტს ახორციელებს.

ორგანიზაციის ცნობით, ლაბორატორიაში 6 დასახელების არაყანი - „სანტი“, „სანტინო“, „სოფლის ნობათი“, „მარგო“, „ეკო-ფული“ და „პრეზიდენტი“ შემოწმდა. ლაბორატორიული კვლევის მიზანი იყო, პროდუქტში რძის ცხიმისა და რძემჟავა ბაქტერიების შემცველობის გაზომვა.

კვლევის შედეგმა აჩვენა, რომ არაყანი „სანტინო 20%“ სუფთა არაყანია. სხვა პროდუქტებიდან, სუფთა არაყანთან ყველაზე ახლოს არის „სოფლის ნობათი“ და „პრეზიდენტი“. მათში ცხიმის 90% რძის ცხიმია. სხვა პროდუქტები კი უბრალოდ, არაყანი არ არის, რადგან მათ შემადგენლობაში რძის ცხიმი ან საერთოდ

არ არის, ან 5%-ს არ აღემატება.

„სტრატეგიული კვლევებისა და განვითარების ცენტრის“ ინფორმაციით, პროდუქტებს, რომლებიც რძის ცხიმს არ შეიცავენ, ეტიკეტზე მითითებული აქვთ, რომ შეიცავენ აღნიშნულ ცხიმს. „საერთაშორისო სტანდარტის მიხედვით, რძის პროდუქტის დასახელებით არ შეიძლება გაიყიდოს პროდუქტი, რომელიც რძის ცხიმის გარდა სხვა ცხიმს შეიცავს. სამწუხაროდ, საქართველოს კანონმდებლობა ამ მოთხოვნას არ ითვალისწინებს. რაც შეეხება არაყნებში რძემჟავა ბაქტერიების არსებობას, ლაბორატორიული დასკვნის მიხედვით ცოცხალი რძემჟავა ბაქტერიები ყველა პროდუქტში აღმოჩნდა“, - განაცხადადეს ორგანიზაციამ.

სტრატეგიული კვლევებისა და განვითარების ცენტრი ლაბორატორიული კვლევის შედეგებს რეაგირებისათვის სოფლის მეურნეობის სამინისტროს გადაუგზავნის.



საზა კედელაშვილი ფრაქციას იცვლის



დედოფლისწყაროს მაჟორიტარი ზაზა კედელაშვილი ფრაქცია „ნაციონალური მოძრაობიდან“ გადას და ფრაქცია „ნაციონალური მოძრაობა — მაჟორიტარებში“ ერთიანდება. საპარლამენტო უმცირესობაში შემავალ სამ ფრაქციაში ამ დროისთვის მიმდინარე ცვლილებებზე განმარტებები ფრაქცია „ნაციონალური მოძრაობა — მა-

ჟორიტარების“ თავმჯდომარე აკაკი ბობოხიძემ გააკეთა. მისივე თქმით, ახალციხის მაჟორიტარი ვაჟა ჩიტაშვილი „ნაციონალური მოძრაობიდან“ ფრაქცია „ნაციონალური მოძრაობა — რეგიონებში“ შესვლის მიზნით გავიდა. კედელაშვილმა აღექსანდრე თამაზაშვილს მცირე სხვაობით მოუგო. ბობოხიძის განმარტებით, იმის გამო, რომ უმცირესობაში შემავალი ორი ფრაქცია — „ნაციონალური მოძრაობა — მაჟორიტარები“ და „ნაციონალური მოძრაობა — რეგიონები“ მინიმალური, 6-6 დეპუტატით არიან წარმოდგენილი, მიზანშეწონილად მიაჩნიათ, რომ ფრაქციები 7 წევრამდე გაიზარდოს.

„ვხედავთ, რომ ადგილი აქვს დეპუტატებზე ზენოლას, რათა მოხდეს კონსტიტუციით დამტკიცებისთვის საჭირო 100 ხმის მოპოვება. ამასთან, საგაზაფხულო სესიაზე დღის წესრიგში საკონსტიტუციო პროექტების კენჭისყრა მოხდება და შესაძლოა, ეს ზენოლები კიდევ უფრო გაძლიერდეს, საჭიროდ ჩავთვალეთ, რომ ფრაქციების შემადგენლობა 7 დეპუტატამდე გაიზარდოს“, - აცხადებს აკაკი ბობოხიძე. ამასთან, აკაკი ბობოხიძე იმედს გამოთქვამს, რომ საგაზაფხულო სესიისთვის „ნაციონალური მოძრაობის“ შემადგენლობას მაჟორიტარები არ დატოვებენ და შემთხვევებს, როდესაც მაჟორიტარები უმცირესობიდან გავიდნენ, ადგილი აღარ ექნება. „ერთიანი ნაციონალური მოძრაობის“ შემადგენლობას 8 მაჟორიტარი დეპუტატი უკვე გაემიჯნა. ამასთან კულუარებში სახელდება რამდენიმე დეპუტატის გვარი, რომლებმაც შესაძლოა, უმცირესობის რიგები დატოვონ.

სასულიერო ზირის დაჭრაში ბრალდებული დაკავებულია

შინაგან საქმეთა სამინისტროს კახეთის პოლიციის სამხარეო მთავარი სამმართველოს დედოფლისწყაროს რაიონული სამმართველოს თანამშრომლებმა, წარსულში ყაჩაღობისა და მკვლელობისათვის ნასამართლევ, 1964 წელს დაბადებული გიორგი დ. განზრახ მკვლელობის მცდელობის ბრალდებით დააკავეს. პოლიციის ინფორმაციით, დაკავებულმა, ურთიერთშელაპარაკების ნიადაგზე, დედოფლისწყაროს რაიონის სოფელ ზემო ქედში, სასულიერო პირი, მამა გაბრიელი და ვასილ ნ. დანი რამდენიმე ადგილას დაჭრა. სამართალდამცველებმა, ჩატარებული ოპერატიული-სამძებრო ღონისძიებების შედეგად, დედოფლისწყაროს რაიონის სოფელ სამრეკლოში, ბრალდებული, მომხდარიდან 20 წუთში, ცხელ კვალზე დააკავეს. სამართალდამცველებმა გიორგი დ-ს პირადი ჩხრეკისას, დანაშაულის ჩადენის იარაღი- დანა, ნივთმტკიცებად ამოიღეს. დაჭრილების ჯანმრთელობის მდგომარეობა, ამ დროისთვის, სტაბილურია. საქმე საქართველოს სისხლის სამართლის კოდექსის 19-108-ე მუხლით აღიძრა. დანაშაული 7-დან 15 წლამდე პატიმრობას ითვალისწინებს. გამოძიებას შსს-ს დედოფლისწყაროს პოლიციის სამმართველო აწარმოებს.

შეხვედრა სამთაწყაროში

დედოფლისწყაროს მუნიციპალიტეტის გამგებელი ირაკლი შიოლაშვილი და მუნიციპალიტეტის საკრებულოს თავმჯდომარე ლევან ნატროშვილი სოფელ სამთაწყაროს მოსახლეობას შეხვდნენ. შეხვედრის ძირითადი მიზანი იმ პრობლემებზე საუბარი იყო, რომლებიც სამთაწყაროელებს მრავალი წლის განმავლობაში დაუგროვდათ, მათი მოგვარების გზებზე კი დღემდე არცერთი ხელისუფლებისგან რეალური პასუხი არ მიუღიათ. მუნიციპალიტეტის ხელმძღვანელებს კითხვები სახნავ-სათეს მინებსა და საძოვრებზე დაუსვეს. კითხვა-პასუხის რეჟიმში გამართული შეხვედრის თემას აზერბაიჯანთან დამაკავშირებელი ხიდის აღდგენა, მოუნესრიგებელი ინფრასტრუქტურა და შეშის პრობლემაც წარმოადგენდა. „პრობლემები, რომელთა გადაჭრაც ჩვენს კომპეტენციაშია, ერთობლივი ძალისხმევით უნდა მოვაგვაროთ, სხვა საკითხებთან დაკავშირებით კი ცენტრალურ ხელისუფლებასთან შუამავლობას გაგინებთ“ - განაცხადა ირაკლი შიოლაშვილმა. გადაწყდა, რომ მსგავსი ტიპის შეხვედრები კიდევ გამართება, რაც ხალხისა და ხელისუფლების ურთიერთობას კიდევ უფრო გააღრმავებს.

გამგეობის პრესსამსახური



დედოფლისწყაროს საბავშვო ბაღებში გადასახალი ბავშვები

დედოფლისწყაროს მუნიციპალიტეტის საკრებულოს გადაწყვეტილებით, მუნიციპალიტეტის ბაღებში გადასახად ამიერიდან მშობლების ნაცვლად მუნიციპალიტეტის ადგილობრივი ბიუჯეტი გადაიხდის. დედოფლისწყაროს მუნიციპალიტეტის საკრებულოს წევრებმა ადგილობრივი ხელისუფლების ეს ინიციატივა 25 იანვრის საკრებულოს სხდომაზე დაამტკიცეს. დედოფლისწყარო მთელი ქვეყნის მასშტაბით ერთ-ერთი პირველი რაიონია, სადაც პარლამენტის წევრის თინა ხიდაშელის ინიციატივა საქმედ იქცა. შეგახსენებთ, რომ შესაბამისი საკანონმდებლო ინიციატივით საპარლამენტო უმრავლესობის წევრი რამდენიმე დღის წინ გამოვიდა. „საქართველოს კონსტიტუციაში შავით თეთრზე წერია, რომ საქართველოს საბავშვო ბაღებში ბავშვების განათლებას უზრუნველყოფს სახელმწიფო. ბაღებში სწავლის საფასური არ უნდა იყოს. სხვა საქმეა, თუ მშობელს უნდა, მისი შვილი ბაღში შექმნილ სხვადასხვა სასწავლო წრეში ატაროს“, - განაცხადა თინა ხიდაშელმა.



საკადრო ცვლილებები კვლავ ძველ ამბლუაში



მინი დოსიე:
გია გოგილაშვილი დაიბადა 1956 წლის 15 მარტს, დაამთავრა ქ. ნითელწყაროს №1 საშუალო სკოლა, 1978 წელს - ა. შუშკინის სახელობის პედაგოგიური ინსტიტუტის ფიზიკა-მათემატიკის ფაკულტეტი. ინსტიტუტის დამთავრების შემდეგ მუშაობდა სეტყვასთან ბრძოლის სამსახურში რადიოლოკაციის ინჟინრად, 1986 წლიდან ქალაქ ნითელწყაროს კომუნალური სამსახურის დირექტორად, 1987 წელს სეტყვასთან ბრძოლის სამსახურის სათაო ნაწილის მეთაურად, 1988 წლიდან ეწეოდა პარტიულ საქმიანობას, 1992-96 წწ. იყო დედოფლისწყაროს სასამელო წყლების დირექტორი, 1997-99 წლებში სახელმწიფო დაზღვევის დირექტორი, 2004-2008 წწ. სასამელო წყლების დირექტორი, 2012 წლის დეკემბრიდან კვლავ გაერთიანებული წყალმომარაგების კომპანიის დედოფლისწყაროს სერვის-ცენტრის მენეჯერია.

გაერთიანებული წყალმომარაგების კომპანიის დედოფლისწყაროს სერვის-ცენტრის ახალი მენეჯერი, რომელსაც

ამ სფეროში მუშაობის საკმაოდ დიდი გამოცდილება აქვს, ამბობს, რომ წყალმომარაგების თვალსაზრისით დედოფლისწყაროში დადებითი ძვრები შეინიშნება, თუმცა, ლაფსუსები წინა ხელისუფლების დროს ნაჩქარევად გაკეთებული საქ-

მის გამოა. „2007 წელს მთელი საქართველოს მასშტაბით დაინიშნა გამრიცხველიანება, მათ შორის დედოფლისწყაროშიც. ამან დადებითი შედეგი გამოიღო ქალაქ დედოფლისწყაროში წყალმომარაგების თვალსაზრისით, მაგრამ სოფლებში კვლავ პრობლემებია. მისი მთავარი გზავნილი კი ასე უდერს: „მოსახლეობაში ავამაღლოთ წყლის მოხმარების კულტურა“.

სოფლებს ახალი რწმუნებულები ჰყავს



სოფელ საბათლოს რწმუნებული კარენ მუსაელიანი:
დაიბადა 1987 წლის 24 ივლისს სოფელ საბათლოში. დაამთავრა სოფელ საბათლოს საშუალო სკოლა. მუშაობდა სასაზღვრო პოლიციაში. ჰყავს მეუღლე და ერთი შვილი.

სოფელ სამთაწყაროს რწმუნებული გულო ნალირაშვილი:
დაიბადა 1959 წლის 17 სექტემბერს დედოფლისწყაროში. დაამთავრა ბაკურციხის ტექნიკური სასწავლებლის აგრონომიული ფაკულტეტი. მუშაობდა სამთაწყაროს მევენახეობის ბრიგადაში ბრიგადირად. ეწეოდა კერძო ფერმერულ საქმიანობას. ჰყავს მეუღლე და სამი შვილი.



ქალაქის ბიბლიოთეკამ, შესაძლოა, სათესლე მეურნეობის შენობაში დაიდოს ბინა

დედოფლისწყაროს ბიბლიოთეკამ, რომელიც ამჟამად კულტურის სახლის მცირე დარბაზს აფარებს თავს, შესაძლოა ბინა დედოფლისწყაროს ყოფილი სათესლე მეურნეობის (ქალაქწყალკანალის გადასწვრივ) შენობაში დაიდოს ბინა. — „ამჟამად მიმდინარეობს მუშა პროცესი და მოლაპარაკებები აღნიშნული სათესლე მეურნეობის სანოტარო წესით გადმოცემის შესახებ, ხოლო ამის შემდეგ დადგება შენობის სარემონტო სამუშაოების შესრულებისთვის საჭირო თანხების მოძიების საკითხიც.“ - აღნიშნა ჩვენთან საუბარში დედოფლისწყაროს რაიონული ბიბლიოთეკის გამგებ ქალბატონმა მანანა მაჭარაშვილმა. ასე რომ, სულ მალე ჩვენთვის ყველაზე საყვარელ დაწესებულებას, ქალაქის ცენტრალურ ბიბლიოთეკას, საკუთარი შენობა და ჭერი ექნება, რაც ფრიად სასიხარულო ფაქტი გახლავთ, რამეთუ ბიბლიოთეკის შენობის გარეშე ყოფნით, ვფიქრობთ, ყოველი ჩვენი თანამოქალაქე დათრგუნულად გრძნობს თავს. ამჟამად რაიონული ბიბლიოთეკა 75 ათას წიგნს ითვლის საცავში, სადაც გაერთიანებულია საქალაქო, რაიონული და საბავშვო ბიბლიოთეკის წიგნები.

ამ დღეებშივე გავრცელდა ინფორმაცია სოფლებში რამდენიმე ბიბლიოთეკარის შემცირების თაობაზე, რაც სოფლების მოსახლეობამ მტკივნეულად აღიქვა. მოსახლეობა ამ ფაქტში სოფლების ბიბლიოთეკების გაუქმების საფრთხეს ხედავდა, რაც სავსებით ცრუ ინფორმაცია გახლავთ და არაა გამორიცხული ამგვარი ქორის აგორება ოპონენტების მხრიდან ყოფილიყო ინიცირებული. ჩვენ ამ საკითხზე ვესაუბრეთ რაიონული ბიბლიოთეკის გამგეს, რომელმაც კატეგორიულად გამორიცხა სოფლებში ბიბლიოთეკების გაუქმება და

აღნიშნა, რომ მცირედი საკადრო ცვლილებები არ ნიშნავს იმას, რომ რომელიმე ბიბლიოთეკა გაუქმდეს. - „პირიქით, ჩვენ გვაქვს საკმაოდ დიდი მხარდაჭერა ახალი ხელმძღვანელობის მხრიდან, რომელსაც ერთი ნუთითაც არ დაუშვია ის, რომ რომელიმე ბიბლიოთეკა გაუქმდეს სოფლად თუ ქალაქად. უბრალოდ ყოველწლიურ პროცესს, რომ იანვარში ყველა თანამშრომელი წერს განცხადებას და ფორმდება თანამშრომლებთან ახალი ხელშეკრულებები. რამდენიმე საკადრო ცვლილება მართლაც მოსალოდნელია, რომ განხორციელდეს.

კერძოდ ეს შესაძლოა შეეხოს სოფელ სამთაწყაროს, ზემო ქედის, მირზაანისა და ზემო მაჩხაანის ბიბლიოთეკებს. ეს ჩვეულებრივი პროცესია, დანარჩენი ბიბლიოთეკარები დაკავებულ პოსტზე ძველებურად განაგრძობენ მუშაობას.“ - აღნიშნა ჩვენთან საუბარში მანანა მაჭარაშვილმა. ასე რომ, ბიბლიოთეკები ჩვეულებრივ პროცესით და ახლებური შემართებით განაგრძობენ სამუშაო პროცესს, რასაც ახალი ხელმძღვანელობის ხელშეწყობით კიდევ უამრავი სიხლე და სიურპრიზებიც დაერთვება თან.

ლალი მხრინიძე

სოფლებს ახალი რწმუნებულები ჰყავს

სოფელი ზემო მაჩხაანი:
ნოდარ ტოკლიკიშვილი:

დაიბადა 1968 წლის 14 ოქტომბერს დედოფლისწყაროში. დაამთავრა თბილისის პოლიტექნიკური ტექნიკუმის სამრეწველო და სამოქალაქო მშენებლობის ფაკულტეტი. ეწეოდა ფერმერულ საქმიანობას. ჰყავს მეუღლე და ოთხი შვილი.



სოფელი ხორნაბუჯი
ტარიელ ლარიგაშვილი:

დაიბადა დედოფლისწყაროში 1951 წლის 10 ოქტომბერს. დაამთავრა თბილისის სახელმწიფო უნივერსიტეტი სპეციალობით: საქონელმცოდნეობა და სასურსათო საქონლით ვაჭრობის ორგანიზაცია. მუშაობდა დედოფლისწყაროს რაიონულ კოოპერატივში სხვადასხვა თანამდებობაზე, დედოფლისწყაროს პრეფექტურაში კომერციულ საქმეთა განყოფილების გამგედ, დედოფლისწყაროს საკრებულოს კომერციულ საქმეთა განყოფილების გამგედ, სახელმწიფო დაზღვევის დედოფლისწყაროს ფილიალის დირექტორად, საქართველოს პარლამენტის მაჟორიტარი დეპუტატის ბიუროს უფროსად, სოფელ ხორნაბუჯის რწმუნებულად. ჰყავს მეუღლე და 2 შვილი.



სოფელი მირზანი
აკაკი თარაშვილი:

დაიბადა დედოფლისწყაროში 1961 წლის 14 ნოემბერს. დაამთავრა რუსთავის პროფესიული სასწავლებელი ფოტოხელოვნების სპეციალობით. მუშაობდა შ.ს.ს მუზეუმთა და ძეგლთა დაცვის პოლიციაში დაცვის თანამშრომლად. ჰყავს ორი შვილი.

ქალაქი დედოფლისწყარო
პისიკ ცისკარაული:

დაიბადა 1962 წლის 6 მარტს ქ. დედოფლისწყაროში. დაამთავრა თბილისის N 108 სამშენებლო ტექნიკუმი და სწავლა განაგრძო საქართველოს ტექნიკური უნივერსიტეტის სამშენებლო-საინჟინრო ფაკულტეტზე. მუშაობდა ქ. თბილისის სამშენებლო ტრესტის N.34 სამმართველოში სამუშაოს მწარმოებლად. ჰყავს მეუღლე და ორი შვილი.



სოფელი ოზანი
ბელა ოზაშვილი:

დაიბადა 1962 წლის 7 ივლისს ქ. დედოფლისწყაროში. დაამთავრა ქ. თბილისის N97 ტექნიკური სასწავლებლის ფილიალი ელექტრომემონტაჟის სპეციალობით. მუშაობდა დაცვის პოლიციაში სასაზღვრო სამსახურის საგუშაგოს უფროსის თანამდებობაზე. ჰყავს მეუღლე და ორი შვილი.



სოფელი ზემო ქედი
ბაჟან სუსაშვილი:

დაიბადა 1968 წლის 6 ნოემბერს დედოფლისწყაროში. დაამთავრა საქართველოს ფიზკულტურის ტექნიკუმი ფიზიკური კულტურის მასწავლებლისა და მწვრთნელის კვალიფიკაციით. მუშაობდა ზემო ქედის საშუალო სკოლაში ფიზკულტურის მასწავლებლად, ამავე სოფლის ძიუდოს გუნდის მწვრთნელად. ზემო ქედის რწმუნებულად. ჰყავს მეუღლე და 3 შვილი.



სოფელი ქვემო ქედი:
ლუკაშ ნაკვიტაშვილი:

დაიბადა 1975 წლის 18 ნოემბერს დედოფლისწყაროში. დაამთავრა თბილისის კერძო ინსტიტუტ „აჭარის“ ეკონომიკის ფაკულტეტი, გერმანიის ქალაქ კილის სახალხო უმაღლესი სკოლა. დაკავებული იყო მცირე ბიზნესით. ჰყავს მეუღლე და 2 შვილი.



სოფელი არბოშიკი
მამუკა კოჭლაბაზაშვილი:

დაიბადა 1975 წლის 29 მარტს სოფელ არბოშიკში. დაამთავრა საქართველოს მეცნიერებათა აკადემიის სამართლის ინსტიტუტთან არსებული თბილისის ჰუმანიტარული ინსტიტუტის სამართალმცოდნეობის ფაკულტეტი. მუშაობდა ქ. თბილისის პროკურატურაში გამომძიებლის თანამდებობაზე. სხვადასხვა წლებში დაკავებული იყო მცირე ბიზნესით. ჰყავს მეუღლე და ერთი შვილი.



სოფელი არხილოსკალი
მარინა ნიკლაური:

დაიბადა 1962 წლის 11 მაისს სოფელ არხილოსკალოში. დაამთავრა თბილისის ალექსანდრე პუშკინის სახელობის სახელმწიფო პედაგოგიური ინსტიტუტის ისტორია-ფილოლოგიის ფაკულტეტი. სხვადასხვა დროს მუშაობდა



სოფელი სამრეკლო ლელა ზვიადაური:

დაიბადა 1969 წლის 27 თებერვალს ქ. თბილისში. დაამთავრა თბილისის ივანე ჯავახიშვილის სახელობის სახელმწიფო უნივერსიტეტის ვაჭრობის ეკონომიკისა და საქონელმცოდნეობის ფაკულტეტი. სხვადასხვა წლებში მუშაობდა ამნებების სამმართველოს მთავარი ეკონომისტის, ცეკავშირის გარდაბნის რაიკავშირის თავმჯდომარის, პურის ქარხნის ბუღალტრისა და საქმის მწარმოებლის თანამდებობებზე. ჰყავს მეუღლე და ერთი შვილი.

სოფელი ფიროსმანი
თეიმურ მურვანიძე:

დაიბადა 1967 წლის 12 ივნისს შუახევის რაიონის სოფელ ნაღვარევში, იქვე დაამთავრა საშუალო სკოლა. მუშაობდა ბათუმის N5 სამშენებლო ტრესტში მუშად. 1992 წლიდან თემურ მურვანიძე დედოფლისწყაროს რაიონის სოფელ ფიროსმანში ცხოვრობს. ჰყავს მეუღლე და 2 შვილი.



არხილოსკალის საშუალო სკოლასა და თბილისის სკოლა-ლიცეუმ „სანთელ“-ში ისტორიის მასწავლებლად, არხილოსკალის ბაგა-ბაღში ორგანიზატორად და ბავშვთა სახლების პედაგოგ-კონსულტანტად. ჰყავს მეუღლე და 6 შვილი.

მათი მარტოობა ახალი თაობები უნდა გაიზარდოს

დედოფლისწყაროს მუნიციპალიტეტის სოფელ არბოშიკის საჯარო სკოლის სპორტულ დარბაზში ვეტერანი სპორტსმენები შეიკრიბნენ და წარსულში სახელოვანი სპორტსმენებისა და პედაგოგების ვლადიმერ (ვალკო-ვაშტია) ბეროშვილისა და დიმიტრი გონაშვილის ხსოვნისადმი მიძღვნილი რაიონული შეჯიბრება გამართეს.

როგორც ღონისძიების ორგანიზატორმა ელგუჯა თეთვაძემ გახეთ „შირაქს“ განუცხადა, შეჯიბრების ძირითადი მიზანი იყო დედოფლისწყაროს სახელოვანი სპორტსმენების და პედაგოგების სახელის უკვდავყოფა, მათი ღვაწლის დაფასება და მოსახლეობაში სპორტის პოპულარიზაცია.

ღონისძიებას სპორტული სამყაროს წარმომადგენლებთან ერთად ასევე ესწრებოდნენ ძიუდოს ფედერაციის გენერალური მდივანი ანზორ მარტყოფლიშვილი, დედოფლისწყაროს ექს-მაჟორიტარი დეპუტატი ლაერტ ზუბადალაშვილი და დედოფლისწყაროს საკრებულოს თავმჯდომარე ლევან ნატროშვილი. შეჯიბრებებში ასევე მონაწილეობდა დედოფლისწყაროს გამგებლის მოადგილე აკაკი ნატროშვილი.

შეჯიბრება გაიმართა ფრენბურთსა და კალათბურთში. ერთმანეთს გაეჯიბრნენ არბოშიკის, დედოფლისწყაროს, ზემო მაჩხაანის და ქედების ზონის ვეტერანი სპორტსმენებით დაკომპლექტებული გუნდები.

ანზორ მარტყოფლიშვილი: „გავისვენეთ საყვარელი მასწავლებლები, რომლებმაც სპორტში ჩავგვრეს, გამოგვზარდეს და ზოგადად ამ სფეროში დიდი საქმე გააკეთეს. ახალგაზრდობა აქტიურად იყო ჩაბმული და ეს მათი დამსახურება იყო. დიდი მადლობა ყველას, რომ ეს ღონისძიება ითავებს და კიდევ ერთხელ გავისვენეთ და მათი ღვაწლი დაგვაფასეთ. ასეთი კარგი ღონისძიებები ხშირად უნდა იმართებოდეს. ახალგაზრდობამ ეს ისტორია უნდა იცოდეს, რომ მეტად ჩაერთონ სპორტში. მიხარია, რომ დღესაც ესწრებიან ახალგაზრდები. ყოველთვის სიხარულით ჩამოვდივარ დედოფლისწყაროში, მშობლიურ კუთხეში ყოფნა ცხადია ძალიან მსიამოვნებს, მი-თუმეცეს თუ სპორტულ შეჯიბრებებს, ან ასეთ საინტერესო ღონისძიებებს ვესწრები. მოგეხსენებათ, არბოშიკი და მაჩხაანი მე-ზობელი სოფლებია. მეუღლე არბოშიკელი მყავს, მაგრამ გამიხარდა, რომ მაჩხაანაში მოუფლო. არბოშიკსაც ვგულშემატკივრობ,

მაგრამ მაჩხაანის გამარჯვება გამიხარდება.“

ელგუჯა თეთვაძე: „ეს პიროვნებები ჩვენი უფროსი მეგობრები და ძალიან საყვარელი ადამიანები იყვნენ. მიხარია, რომ მაქვს საშუალება, მათი სახელების უკვდავყოფისთვის ეს ღონისძიება ჩამეტარებინა, რადგან ყველამ იცოდეს, რომ რაიონში გვყავდნენ ისეთი ადამიანები, რომლებმაც ბევრი სასიკეთო საქმე გააკეთეს. ეს დღე სტიმული იქნება იმისათვის, რომ ბევრმა მიბაძოს მათ და კარგი სახელისთვის იბრძოდეს. დღემ კარგად ჩაიარა, კმაყოფილი ვარ და შევნიშნე, რომ სხვებიც კმაყოფილები დარჩნენ, როგორც მაცურებლები, ისე მონაწილეები. სპორტის გულშემატკივრები და ჩემი მეგობრები როგორც ფიზიკურად, ისე ფინანსურად გვერდით დამიდგნენ, რომ ეს ღონისძიება ჩაგვეტარებინა. მსგავსი ღონისძიებები კიდევ გაგრძელდება. გვინდა, უახლოეს მომავალში ქედების ზონაშიც ჩავატაროთ, ამ სოფლებშიც ბევრი სახელოვანი პედაგოგი გვყავდა. ასეთ საღამოებს ჩვენ წლების მანძილზე ხშირად ვატარებდით. ჩემი კოლეგების უკვდავსაყოფად და პატივსაცემად იმართება ასეთი ღონისძიებები“.

ლაერტ ზუბადალაშვილი: „მნიშვნელოვანი დღეა იმიტომ, რომ საინტერესო ადამიანები გავისვენეთ. დღესაც მასხოვს სოფელში გატარებული ჩემი ბავშვობა, ფინანსური პრობლემები ნაკლები იყო და ყველაფერს ხალისი ჰქონდა. ახლა რომ ვუყურებ, შედარებით ნაკლებად აქტიურობენ. ათასნაირი სპორტული სრუები ფუნქციონირებდა, ახალი თაობაც დაკავებული იყო და ქუჩაში აღარ დაეხეტებოდნენ. არ ვიცი, რისი ბრალია, თუმცა, ახლა თითქოს ინტერესი ნაკლები აქვთ. მისასალმებელია ის, რომ ამ ღონისძიებას ახალგაზრდა თაობის წარმომადგენლებიც ესწრებოდნენ და მათ ეს ყველაფერი ნახეს და მოისმინეს. ეს პედაგოგებიც გარდაცვლილები არიან, თუმცა მათ წლების მანძილზე განუული შრომა ამით კიდევ ერთხელ დაუფასდათ“.

დიმიტრი გონაშვილი 1922 წლის 4 ივნისს დაიბადა სოფელ მირზაანში. 1941 წელს სკოლის დამთავრების შემდეგ მეორე სამამულო ომში გაიწვიეს. 1947 წელს ჩაირიცხა თბილისის სახელმწიფო ფიზიკური კულტურის ინსტიტუტში. 1951 წელს სასწავლებლის დასრულების შემდეგ მუშაობდა დაიწყო ზემო მაჩხაანის საშუალო სკოლაში ფიზიკულ-ტურის მასწავლებლად. 1953 წელს ამავე სკოლაში მუშაობდა დაიწყო თბილისში დაბადე-



ბულმა და გაზრდილმა, ინგლისური ენის პედაგოგმა ნინო კარაპეტოვამ. მათ ერთმანეთი გაიცნეს და ბედი სამუდამოდ დაუკავშირეს. სამი ქალიშვილი შეეძინათ. ზემო მაჩხაანის სკოლაში დიმიტრი გონაშვილი 45 წლის განმავლობაში მუშაობდა.

ნაშა ჩუბინიძე (პედაგოგი): „დიმიტრი მასწავლებელი მაჩხაანის სკოლიდან 74 წლის ასაკში ღირსეულად გავაცილეთ პენსიაზე. მისი მუშაობის მანძილზე, გაკვეთილზე სპორტული ტანსაცმლის გარეშე არასოდეს შესულა, რაც ყველა კოლეგისთვის მისაბაძი უნდა იყოს. ვინც ერთხელ მაინც ყოფილა მის გაკვეთილზე, არასოდეს დაავიწყდება ლეგენდად ქცეული სპორტის კაცი. მისი პროფესიისადმი უსაზღვრო სიყვარულზე და თავდადებაზე მეტყველებს უამრავი დიპლომი, სიგელი და სამკერდე ნიშნები. ყველაზე დიდი ჯილდო კი დამსახურებული პედაგოგის ნოდება, რომელიც 1985 წლის 30 მაისს მიენიჭა მოსწავლეების ფიზიკური აღზრდისთვის და განუული ხანგრძლივი ნაყოფიერი მუშაობისთვის. მის ამ ჯილდოებს ემატება ომის ვეტერანის მედლები და სიგელები. მიტო მასწავლებელი სიცოცხლეშივე ლეგენდად იქცა მომავალი თაობებისთვის. ჩემი ინიციატივით მისი სახელობის ტურნირი ტარდებოდა კალათბურთში, სოფელ ზემო მაჩხაანის უბნებს შორის. ამ ადამიანმა ჩემი ცხოვრების წესად მიქცია სპორტისადმი სიყვარული. ამიტომაც, სკოლის დირექტორობის პერიოდშიც სპორტული დარბაზის ხშირი სტუმარი ვიყავი, ვთამაშობდი კალათბურთს გოგონებთან, ვაყებთან და გული მწყედებოდა, რომ ახალ თაობებში ვერ ვხვდებდი იმ სიყვარულს სპორტისადმი, რომლითაც ჩვენ გვზრ-

დიდნენ. უნდა ითქვას, რომ დიმიტრი გონაშვილის აღზრდილები სპორტის ყველა სახეობებში წარმატებებს აღწევდნენ. ის ყველა სახეობას ერთნაირი პასუხისმგებლობით ეკიდებოდა, მაგრამ მაინც ვამჩნევდით, რომ მძლევს უფრო უყვარდა. მან გაზარდა საბჭოთა კავშირის ჩემპიონი შუბის ტყორცნაში დომენტი ყოჩიაშვილი. მისი მოსწავლეები შეჯიბრებებიდან გამარჯვებულები რომ ებრუნებოდით, ჩვენზე მეტად მას უხაროდა და ამას ლიად გამოხატავდა. საოცარი იყო ისიც, რომ წლების მიხედვით დეტალურად ახსოვდა, როდის და რამდენი ქულა შეეძინეთ გუნდს. მასზე დაუსრულებლად შეიძლება საუბარი. თამამად შემიძლია ვთქვა, რომ ის მის მიერ აღზრდილი ყველა ადამიანისთვის მუდამ ლეგენდარულ მასწავლებლად დარჩება. ის უკვდავი იქნება მანამ, სანამ ჩვენს სოფლებში მის მიერ გამოზრდილი ერთი ადამიანი მაინც იცოცხლებს. ამიტომ, არ შემიძლია ძალიან დიდი მადლობა არ გადავუხადო ამ ღონისძიების ორგანიზატორს, ბატონ ელგუჯა თეთვაძეს, რომ მოგვეცა საშუალება კიდევ ერთხელ გავისვენოთ და პატივი მივაგოთ ლეგენდარულ ადამიანებს, რომლებიც მართლაც სამაგალითონი იყვნენ მომავალი თაობებისთვის“.

ღონისძიების დასრულების შემდეგ შეჯიბრებების მონაწილეებს ორგანიზატორებმა ფასიანი საჩუქრები გადასცეს. მოგონებებითა და სიტოთი განმსჭვალული საღამო ტრადიციული ქართული სუფრით დასრულდა, სადაც რამდენჯერმე შეისვა ღვანჭმოსილი პედაგოგების ხსოვნის სადღეგრძელო.

ილია მარტყოფლიშვილი



კონკურსი საგანმანათლებლო რესურსცენტრის ხელმძღვანელის პოზიციაზე

საქართველოს განათლებისა და მეცნიერების სამინისტრო საგანმანათლებლო რესურს-ცენტრების ხელმძღვანელის თანამდებობებზე კონკურსს აცხადებს. კონკურსი ცხადდება ძველი თბილისის ხუთ და ასევე საქართველოს 43 მუნიციპალიტეტში. მათ შორის დედოფლისწყაროშიც.

დედოფლისწყაროს საგანმანათლებლო რესურს-ცენტრის ხელმძღვანელის თანამდებობებზე გამოცხადებულ კონკურსში მონაწილეობას მიხიელ ბახუტაშვილიც გეგმავს. ამჟამად ის ხელმძღვანელის მოვალეობის შემსრულებელია. ის წლების მანძილზე ამ სფეროში მოღვაწეობს.

„კი, ნამდვილად ვაპირებ მეც მივიღო კონკურსში მონაწილეობა... სხვა რა

გზა მაქვს! თუმცა გამოცდები, მაინც-დამაინც, არც მაშინებს! შარშან დირექტორების კონკურსშიც მივიღე მონაწილეობა და 70 გამსვლელიდან 76 ქულა მივიღე.“ - განუცხადა „შირაქს“ მიხიელ ბახუტაშვილმა.

დედოფლისწყაროს საგანმანათლებლო რესურს-ცენტრის ხელმძღვანელის თანამდებობებზე კონკურსი 18 იანვარს გამოცხადდა.

კონკურსი სამ ეტაპად ჩატარდება. პირველ ეტაპზე მოხდება განაცხადების გადარჩევა, შემდეგ ტესტირება, შემდეგ კი გასაუბრება.

კონკურსში მონაწილეობა თანაბრად ხელმისაწვდომია ყველა იმ მოქალაქისთვის, რომელიც „საჯარო სამსახურის შესახებ“ საქართველოს კანონის 25-ე

მუხლის მოთხოვნებს აკმაყოფილებს.

კონკურსში მონაწილეობის მსურველებმა განაცხადი ვებ-გვერდზე WWW.HR.GOV.GE მიმდინარე წლის 18 იანვრიდან 5 თებერვლის ჩათვლით უნდა გააკეთონ.

დედოფლისწყაროს რესურს-ცენტრის ხელმძღვანელის მოვალეობის შემსრულებელი ლევან ჯამალაშვილი გასული წლის ნოემბერში გაათავისუფლეს. ის ამ თანამდებობაზე ერთი წლის განმავლობაში მუშაობდა.

ლევან ჯამალაშვილი ნაციონალური მოძრაობის ერთ-ერთი აქტივისტი და მუნიციპალიტეტის საკრებულოს წევრია. ჯამალაშვილის გაათავისუფლების შემდეგ ხელმძღვანელის მოვალეობას ამჟამად მიხიელ ბახუტაშვილი ასრულებს.

რესურსცენტრის ხელმძღვანელის თანამდებობები ვაკანტურია აბაშის, ზუგდიდის, მარტვილის, ფოთის, წალენჯიხის, მესტიის, ამბროლაურის, ცაგერის, ოზურგეთის, ჩოხატაურის, ლანჩხუთის, ახალციხის, ნინოწმინდის, რუსთავის, ბოლნისის, გარდაბნის, დმანისის, თეთრიწყაროს, გორის, კასპის, ქარელის, ხაშურის, მცხეთის, დუშეთის, ყაზბეგის, თიანეთის, ქუთაისის, ტყიბულის, ზესტაფონის, თერჯოლის, საჩხერის, ხარაგაულის, ხონის, ახმეტის, გურჯაანის, დედოფლისწყაროს, თელავის, საგარეჯოს, სიღნაღის, ბათუმის, ხულოს, ხელვაჩაურისა და შუაქვის რაიონებში.

ილია მარტყოფლიშვილი

ფალავნები კახეთის ჩამოინარჩუნებისთვის ებრძობიან

დედოფლისწყაროელი ფალავნები კახეთის ჩამოინარჩუნებისთვის იბრძობებიან. კახეთის თავისუფალი ჭიდაობის ფედერაციის გადარჩევის მიზნით უფროსი თაობის ფალავნთა ნაკრებებს შორის რეგიონის პირველობა ჩატარდება. ჩემპიონატში მონაწილეობას ყვარლის, ახმეტის, საგარეჯოს, გურჯაანისა და დედოფლისწყაროს მუნიციპალიტეტების ნაკრებები მიიღებენ. გუნდური ასპარეზი შვიდ წონით კატეგორიაში გაიმართება, გამარჯვებულად ის გუნდი ჩაითვლება, რომელიც მინიმუმ ოთხ წონით კატეგორიაში მოიპოვებს პირველობას.

„უფროსი ასაკის თავისუფალი მოჭიდებები წლიდან წლამდე დარბაზებში ვარჯიშობენ, მაგრამ რადგან ჩემპიონატები არ იმართება, არ აქვთ პრაქტი-

კის საშუალება. ერთადერთი ასპარეზობა საქართველოს პირველობაა, რომელიც წელიწადში ერთხელ ტარდება. ძლიერი ფალავნები პრაქტიკის არქონის გამო საქართველოს პირველობაზე იძაბებიან და საკუთარ შესაძლებლობებს ბოლომდე ვერ ავლენენ. კახეთის ჩემპიონატის მიზანი ისაა, რომ სპორტსმენებმა მეტი გამოცდილება შეიძინონ. კარგი იქნება, თუ კახეთს სხვა რეგიონებიც მიბაძავენ. ქართველ მოჭიდავეებს სიძლიერე არასდროს აკლდათ, მაგრამ ეს მათი მომზადების დონეს კიდევ უფრო ამაღლებს.“

– აცხადებს დედოფლისწყაროს მუნიციპალიტეტის ნაკრების მწვრთნელი დავით გონაშვილი.

დედოფლისწყაროს მუნიციპალიტეტის ნაკრებში შვიდი მოჭიდავეა. ყველა მათგანი ქალაქ დედოფლისწყაროდანაა.

სკოტში

დავით გონაშვილი ამის მიზეზად მუნიციპალიტეტის სოფლებში თავისუფალი ჭიდაობის სექციების არარსებობას ასახელებს და იმედოვნებს, რომ მომავალ ჩემპიონატებამდე პრობლემა მოგვარდება.

კახეთის ჩემპიონატი ორი თვის განმავლობაში გაგრძელდება. ჩემპიონატის ფარგლებში ასპარეზობებს დედოფლისწყაროც უმასპინძლებს. მანამდე კი ჩვენი ნაკრები პირველ გასვლით შეჯიბრს 25 იანვარს ქ. ახმეტაში, ახმეტის მუნიციპალიტეტის გუნდთან გამართავს.



რატომ გვიქრება ხშირად დენი?!

რამდენიმე დღის წინ, დედოფლისწყაროში ქარის გამო ელექტროენერჯის მიწოდება შეწყდა. მისი მიწოდების აღდგენა მხოლოდ ერთდღიანი პაუზის შემდეგ მოხდა. სამწუხაროდ, ეს პირველი შემთხვევა არ არის ჩვენი ცხოვრების უახლოესი წარსულიდან, როდესაც შუქი ქარის ამოვარდნის გამო გათიშულა. ისე რომ, ადამიანებს უკვე ჩამოუყალიბდათ განცდა და იმისი შიში, რომ პატარა ნიაგზეც კი, დენის გარეშე დარჩებიან.

ამ ამბავს ერთადერთი მარტივი მიზეზი აქვს – ელექტროენერჯის ბოძები მოძველებულია და არაფერ იცის, როდის რომელი ბოძი წაიქცევა. რამდენიმე ხნის წინ შირაქის რედაქციას მოქალაქემ მომართა, მან მისამართი დასახელება და თავისი სახლის წინ კომუნისტების დროინდელი სინათლის ბოძის შეცვლა მოითხოვა, რადგან ის

უკვე ნაქცევის პირას იყო და იქ მცხოვრები ადამიანებისთვის საშიშროებას ქმნიდა. ჩვენი ჩარევის შედეგად ბოძი იმავე დღეებში გამოცვალა ენერგოდისტრიბუციამ. თუმცა, იმავე მოქალაქეებმა მალევე აღმოაჩინეს, რომ გვერდით კიდევ იყო შესაცვლელი. რეალობა კი ერთია, ერთეული კი არა, ელექტროგადამცემი სისტემის სრული რეაბილიტაციაა საჭირო კახეთში. თუ როდის მოგვარდება ეს საკითხი კახეთში, ამაზე კახეთის ენერგოდისტრიბუციის პრესსამსახურის უფროსი ჟანა დიდუბაშვილი „შირაქთან“ აცხადებს, რომ ეს საკითხი მაშინ მოგვარდება, როცა ახალი ინვესტორი მოვა და თანხას ჩადებს.



ჟანა დიდუბაშვილი ინვესტორის შემოსავლის ზუსტ დროს ვერ ასახელებს. ინვესტორის მოსვლის მოლოდინში კი ნუ გამოირცხავთ, რომ ქარის დროს შუქი წაივდეს და გარკვეული დროით დაგეგმილობოთ. ერთ-ერთი საინტერესო საკითხი კი, რაც გაზეთ „შირაქს“ ენერგოდისტრიბუციასთან ჰქონდა, ის გახლდათ, თუ, რატომ მივიდა კომპანია

გაკოტრების პირას. ამაზე დიდუბაშვილმა ასეთი პასუხი გაგვცა: „გაკოტრებას თავისი პროცესები აქვს და ამ საკითხზე კომენტარისთვის ალბათ მე არ ვიქნები კომპეტენტური პირი, ერთ-ერთი მიზეზი კი ის არის, რომ სხვებისგან განსხვავებით, ჩვენ ჰესები არ გვაქვს და ეს სერიოზულ პრობლემას ქმნის, რადგან მომწოდებელზე ვართ დამოკიდებული.“

ლალი მხრიშვილი

მეცხვართა საყურადღებოდ!

ვყიდი საუკეთესო ხარისხის შერას. მსურველებმა დარეკეთ: ტელ: 551 25 17 44

ყურადღება

ქალაქ დედოფლისწყაროში მდებარე მალაზიას ესაჭიროება გამყიდველი 25-დან 55 წლამდე. სასურველია ჰქონდეს სავაჭრო ობიექტში მუშაობის გამოცდილება. მსურველები დაგვიკავშირდით ტელ: 593 27 58 97

იყიდება

ქ. დედოფლისწყაროში, რუსთაველის ქ. №26 (აფთიაქის გვერდით), პირველ სართულზე იყიდება ერთოთახიანი ბინა, რომელიც გამოიყენება როგორც საცხოვრებლად, ასევე კომერციული საქმიანობისთვისაც. ყიდვა შეიძლება განვადებითაც. დაინტერესებულმა პირებმა დარეკეთ: 571 55 99 51. 574 77 97 97 ფასი 4000 \$

ელიას მთაზე კელიების მშენებლობისთვის ანგარიში გაიხსნა

დედოფლისწყაროს საეპარქიო ბარათად ნოდებულ ელიას წმიდა მთაზე კელიების მშენებლობისთვის ბანკში ანგარიში გაიხსნა. ამის შესახებ გაზეთ „შირაქს“ მონასტრის ადმინისტრატორმა თამარ იაკობიშვილმა აცნობა.

იაკობიშვილის განმარტებით, ტაძრის მოძღვარმა მამა ონოფრე ნულაძემ მრევლს კურთხევა მისცა, აღნიშნული საბანკო რეკვიზიტების მოსახლეობამდე მიტანის მიზნით სოციალური ქსელებითა და ადგილობრივი მედიასაშუალებებით გავრცელებს.

ელიას მთაზე აგებულ კელიებში სასულიერო პირები იცხოვრებენ. სასულიერო პირები, რომლებმაც ახლადაშენებულ კელიებში უნდა იცხოვრონ, უკვე დედოფლისწყაროში იმყოფებიან და წირვა-ლოცვებს ესწრებიან.


წმინდა ელია თეზბიტელის სახელობის მამათა მონასტრის მშენებლობისთვის გახსნილია ანგარიში, რომლის რეკვიზიტებია:

N GE29BG000000860360800

წმ. ელია თეზბიტელის სახელობის მამათა მონასტერი. მიმღები ბანკი: ს.ს. „საქართველოს ბანკი“

ბანკის კოდი: **BAGAGE22**

მთხოვთ, შეიტანოთ თქვენი წვლილი. ღმერთმა დაგლოცოთ და გაბაჩაროთ!



| ამინდი | | დედოფლისწყარო | | | | | | | | | | | | | |
|---------------|--------------|-----------------|------------------|------------------|------------------|------------------|-----|----|-----|----|----|----|-----|--|--|
| შაბათი 26. 01 | კვირა 27. 01 | ორშაბათი 28. 01 | სამშაბათი 29. 01 | ოთხშაბათი 30. 01 | ხუთშაბათი 31. 01 | პარასკევი 01. 02 | | | | | | | | | |
| დღე ღამე | დღე ღამე | დღე ღამე | დღე ღამე | დღე ღამე | დღე ღამე | დღე ღამე | | | | | | | | | |
| | | | | | | | | | | | | | | | |
| 10° | 5° | 7° | 2° | 4° | 3° | 0° | -1° | 1° | -2° | 1° | 0° | 0° | -1° | | |

გამომცემელი შპს „შირაქი“
დირექტორი ინგა შიოლაშვილი
რედაქტორი ნაირა გორაშვილი-პოპიაშვილი
წერილობითი მთავარი ფაქტებსა და ციფრებს პასუხს აგებს ავტორო.

სარედაქციო კოლეგია: ლალი მხრიშვილი, ილია მარტყოფლიშვილი (ჟურნალისტი); მინაილ მღვინეიშვილი (სტილისტ-მწერელი); ნათელა მოსტაშვილი (ბუღალტერი); ნინო ჯანაშვილი (ოფის-მწველი); მზია ქანჭავაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).
გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იმეორდება შ. პ. ს. „სამშობლოს“ სტამბაში.

რედაქციის მისამართი: ქალაქი დედოფლისწყარო, ფროსმანის №18, ტელ. 0 356 22 55-49; 598 72-18-72 (დირექტორი) 599 25-17-44 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.